

Na osnovu člana 19. Zakona o javnim preduzećima u Federaciji Bosne i Hercegovine ("Sl. Novine F BiH" br. 8/2005), člana 5. stav 1. Zakona o porezu na dodatnu vrijednost (Sl. Glasnik BiH broj 09/05 i 35/05), člana 11. Pravilnika o primjeni Zakona o porezu na dodanu vrijednost (Sl. Glasnik BiH broj 93/05), i čl. 33 i 82. Statuta Kantonalnog javnog komunalnog Preduzeća, za snabdijevanje prirodnim gasom "Sarajevogas" d.o.o. Sarajevo, Nadzorni odbor preduzeća na svojoj sjednici održanoj dana 21.02.2008. godine, donio je:

P R A V I L N I K O D O P U Š T E N O J V I S I N I K A L A, R A S T U R A, K V A R A I L O M A N A P R O I Z V O D I M A

I O P Č E O D R E D B E

Član 1.

Pravilnikom o dopuštenoj visini kala, rastura, kvara i loma na proizvodima (u daljem tekstu: Pravilnik) utvrđuje se visina kala, rastura, kvara i loma do koje se navedeni rashodi mogu knjižiti kao troškovi poslovanja.

Član 2.

Rashodi utvrđeni u visini i na način utvrđen ovim Pravilnikom knjiže se na temelju knjigovodstvene isprave kao troškovi poslovanja na osnovu odredbi člana 5. stav 1. Zakona o porezu na dodatu vrijednost (Sl. Glasnik BiH broj 09/05 i 35/05).

Na vrijednost rashoda utvrđenog i knjiženog na način utvrđen u stavu 1. ovog člana ne obračunava se i ne plaća PDV.

Manjak dobara za koji se ne tereti odgovorna osoba smatra se vlastitom potrošnjom u vanposlovne svrhe i podliježe oporezivanju.

II R A S H O D I – K A L O, R A S T U R, K V A R I L O M

Član 3.

Pod rashodom proizvoda kala rastura, kvara ili loma podrazumijevaju se gubici na robi koji nastaju kao posljedica prirodnih uticaja ili kao posljedica radnji koje se nužno poduzimaju u poslovanju proizvodima u Kantonalnom javnom komunalnom Preduzeću, za snabdijevanje prirodnim gasom "Sarajevogas" d.o.o. Sarajevo (u daljem tekstu: Preduzeće).

Član 4.

Posljedicama prirodnih uticaja smatraju se gubici nastali na proizvodima zbog isušivanja, skupljanja, snižavanja, topljenja i kvarenja.

Posljedicama poduzimanja neophodnih radnji u prodaji proizvoda u Preduzeću smatraju se gubici nastali na proizvodima razbijanjem, rasipanjem i mrvljenjem.

Član 5.

Izuzetno nastali rashod po osnovu kala, rastura, kvara i loma do propisanog iznosa i manjak dobara koji se može pravdati višom silom ne podliježe oporezivanju. Pod višom silom podrazumijeva se manjak dobara nastao usljed elementarnih nepogoda (poplava, požar, zemljotres, ratna razaranja i slično) na osnovu akta nadležnog organa.

III **NORMATIV I NAČIN UTVRĐIVANJA RASHODA**

Član 6.

Na ime kala, rastura, kvara i loma utvrđuje se dopušteni normativ gubitka izražen u postocima od količine proizvoda koje su u obračunskom periodu prodane na malo.

Dopušteni gubitak na veliko iznosi 50% od utvrđene visine kala, rastura, kvara i loma na malo.

Na osnovu člana 11. Pravilnika o primjeni zakona o porezu na dodatu vrijednost i normativa koji je sastavni dio toga pravilnika (Sl.Glasnik BiH broj 93/05) dopušteni normativ gubitaka utvrđuje se u iznosu od:

R.br.	Naziv robe	Dopuštena stopa
1.	Sredstva za čišćenje	1,00%
2.	Prirodni plin te proizvodi od plina	3,00%
3.	Cijevi	2,00%
4.	Izolacijske mase	1,00%
5.	Baterijski ulošci	2,00%
6.	Potrošni uredski materijal	1,00%
7.	Deterdžent za pranje rublja	1,30%
8.	Na sve ostalo nepobrojano	0,50%

Član 7.

Rastur prirodnog gasa na ukupnim količinama, od ulaza do izlaza iz gasne mreže dozvoljen je do 1%.

Razlika u mjerenjima (mjerne razlike) količine prirodnog gasa, na ulazu u distributivnu gasnu mrežu i izmjerenih količina kod svih potrošača dozvoljena je do +/- 3%.

Rastur prirodnog gasa i mjerna razlika definisane su tehničkim standardima DVGW.

Član 8.

Dopuštena visina rashoda utvrđena ovim Pravilnikom može se utvrditi na sljedeći način:

- neposredno nakon nastanka pojedinog rashoda,
- vanrednim popisom robe u skladištu Preduzeća,
- redovnim popisom robe u skladištu.

Član 9.

Utvrdjivanje rashoda obavlja popisna komisija, imenovana od Nadzornog odbora. O izvršenom popisu obavezno se sastavlja zapisnik. Zapisnik, odnosno ovjereni izvod iz zapisnika, smatra se knjigovodstvenom ispravom na osnovu odredbe člana 2. ovog Pravilnika.

Član 10.

Na rashod nastao zbog isteka roka trajanja dobara ne plaća se PDV, pod uvjetom da je rok trajanja utisnut na ambalaži proizvoda ili je na drugi način određen od strane proizvođača, a pri uništenju navedenih dobara, treba biti prisutan predstavnik Sanitarne inspekcije.

Član 11.

Davanje poklona manje vrijednosti u smislu člana 5. stava 2. tačka 2. Zakona, čija vrijednost ne prelazi iznos od 20,00 KM ne smatra se prometom dobara, te se na iste ne obračunava PDV. Davanje poklona smatra se davanje najviše jednog poklona istom licu u poreznom periodu.


IV ZAVRŠNE ODREDBE**Član 12.**

Nadzor nad primjenom odredaba ovog Pravilnika vrši Nadzorni odbor Preduzeća.
Tumačenje odredaba ovog Pravilnika daje Nadzorni odbor na prijedlog Uprave preduzeća.

Član 13.

Ovaj Pravilnik stupa na snagu danom donošenja, a objaviće se na oglasnoj ploči i Intranetu Preduzeća.

Broj : 544 /08
Sarajevo, 25.02. 2008.



PREDSJEDNIK
NADZORNOG ODBORA

Fikret Oručević
Fikret Oručević

Potvrđena zakonitost Pravilnika od kvalifikovanog lica pravne struke (čl.19. ZJP BIH)